

KHOOS KAS PAB COV NEEG UA HAUJLWM UAS RAUG POOB HAUJLWM

ov neeg ua haujlwm uas raug poob ib txoj hauj lwm tej zaum yuav kev pab mentsis kom lawv thiaj rov mus ua tau haujlwm. Minnesota lub Khoos Kas Pab Cov Neeg ua Haujlwm uas Raug Poob Haujlwm muaj kev pab pub dawb rau tib neeg kom rov nrhiav tau hauj lwm ua—thiab pab kom tsis txhob muaj kev nyuab siab thiab kev txhawj vim tsis paub ua cas. Cov kev pab no yog tsim raws yam uas kom pab tau tus tib neeg. Tej zaum koj yuav muaj feem cuam rau qhov khoos kas no yog tias koj ho raug tawm haujlwm tiamsis tsis yog tim koj tus kheej, yog koj muaj feem cuam tau txais Nyiaj Poob Haujlwm, thiab yog koj yuav rov mus ua hom haujlwm li koj ib txwm ua dhau los no tsis tau lawm.

MUAJ DABTSI ZOO RAU KOJ?

Kev Tsim Tus Qauv Ua Haujlwm thiab Kev Txhawb Tswv Yim:

- Cov lus qhuab ntuaas zoo thiab kev pab nrog xaiv haujlwm zoo ua, tsim cov hom phiaj rau kev ua haujlwm thiab pab tus kheej npaj nrhiav ib txog haujlwm zoo.
- Cov ntaub ntawv xeem kom paub ntau ntxiv txog tus kheej txoj kev txawj, rab peev xwm ua taus thiab kev nyiam dabtsi kom tshawb pom lossis paub tau tias hom haujlwm yuav xav ua nyob rau nim no yog dabtsi.

Nrhiav Haujlwm thiab Kev Pab Tso Npe Ua Haujlwm:

Muaj cov kev kawm uas qhia txog kev nrhiav haujlwm, nrog rau:

- Kev npaj daim ntawv xam phaj haujlwm thiab npaj cov lus teb, kev paub xam phaj, thiab paub nrog lwm tus sib tiv tauj kom vam meej.

RAUG RHO TAWM HAUJLWM LOD? PEB PAB TAU KOJ!



- Kev paub txog cov haujlwm uas qhib thiab paub nrhiav cov haujlwm uas luag tsis qhauj ntawv tawm txog.
- Koom cov pabpawg haujlwm thiab lwm cov rooj sib tham nrog lwm cov neeg uas nrhiav haujlwm kom kawm tau kev sib cev lus, mus mloog cov nai haujlwm hais lus thiab lwm yam, mus kom paub txog cov haujlwm uas qhib, thiab mus tham txog cov teebmeem uas muaj ntawm kev nrhiav haujlwm.

Kev Kawm Uas Pom Zoo Los Ntawm Tus Khiav Ntaub Ntawv:

- Kev kawm ib nyuag ntu kom txhawb tau rab peev xwm rau hom haujlwm qub lossis kawm ntev mus kom muaj rab peev xwm ua haujlwm rau ib hom haujlwm tshiab.
- Kev kawm kom vam meej rau tom chaw haujlwm lossis kawm kom tiav daim ntawv pov thawj GED.

Cov Kev Pab Txhawb:

- Muaj me me nyiaj txuas coj los them rau tej yam xws li saib xyuas tsev neeg thiab thauj mus los, yog tias tus neeg uas mus kawm haujlwm ntawd yuav tsum tau cov kev pab no.

KOJ YUAV TAU TXAIS COV KEV PAB NO LI CAS?

Yog tias koj yog ib tug ntawm thaj tsam li 50 lossis coob leej tshaj uas nyob rau ib pawg neeg ua haujlwm, Pabpawg Rapid Response Team yuav pab cov neeg ua haujlwm ntawm koj lub chaw haujlwm kom xaiv tau ib tug neeg khiav ntaub ntawv uas yuav pab tshwj xeeb rau koj txoj kev raug rho tawm haujlwm. Nyob rau tej lub sijhawm li no, feem ntau peb yuav npaj tau kom tus khiav ntaub ntawv pib muab cov kev pab rau koj qhov chaw haujlwm ua ntej ib tug neeg yuav raug rho tawm ntawm haujlwm li.

Pabpawg Rapid Response Team tau ua haujlwm zoo heev nrog ntau lub chaw haujlwm nyob xeev Minnesota kom pab tau ntau pabpawg ntawm cov neeg uas tau raug tshem tawm haujlwm kom txoj kev hloov ntawd mus tau zoo.



KHOOS KAS PAB COV NEEG UA HAUJLWM UAS RAUG POOB HAUJLWM

KEV UA RAWS

Txoj kev yuav ua raws pib tau thaum lub chaw haujlwm npaj tau yuav tham txog nws lub tswv yim rho neeg tawm haujlwm kom meej. **Kev koom tes ntawm lub chaw haujlwm tseem ceeb heev.** Qhov kev pab no yuav mus tau zoo tshaj thaum uas lub chaw haujlwm thiab Pabpawg Rapid Response Team tibsi muaj sijhawm ntau li ntau tau ua ntej thawj hnub uas yuav rho neeg tawm haujlwm. Qhov kev pab no yuav pib tau 6 lub hlis ua ntej tus tib neeg hnub kawg ua haujlwm. Cov kev ua no muaj cuab kav ua rau lub sijhawm uas luv zog los tau. Peb lub homphiaj yog kom muaj kev pab nyob ruaj khov rau sijhawm li ob mus rau plaub lub lis piام tom qab thawj zaug sib ntsib nrog lub chaw haujlwm.

1 Thawj zaug sib ntsib nrog Pabpawg Rapid Response Team

Ib tug ntawm Pabpawg Rapid Response Team mus sib ntsib nrog cov khiav dejnum thiab cov tswj ntawm pabpawg neeg ua haujlwm, yog tias tuaj, kom paub tau meej hais tias yuav poob haujlwm mus li cas kiag thiab sib tham txog cov ntaub ntawv muaj los ntawm Khoos Kas Pab Cov Neeg Ua Haujlwm Uas Raug Poob Haujlwm thiab lwm txoj kev xaiv hais txog kev rho neeg tawm haujlwm. Txhua tus uas tuaj koom yuav sib pab tawm tswv yim tias yuav ua li cas tuaj ntixv.

2 Kev sib ntsib sib tham nrog cov neeg ua haujlwm uas yuav muaj feem poob lawv txoj haujlwm

Kev sib ntsib yuav tsum tshwm sim rau tom chaw haujlwm, uas nyob ua ib pab. Pabpawg Rapid Response Team muaj kev qhia txog Khoos Kas Pab Cov Neeg Ua Haujlwm Uas Raug Poob Haujlwm thiab tos txais cov neeg ua haujlwm pub dawb rau Pabpawg Sib Koom Ntawm Neeg Haujlwm - Chaw Haujlwm (EMC), uas yog ib pawg neeg sawv cev rau cov neeg ua haujlwm, cov neeg khiav dejnum hauv haujlwm, thiab (yog muaj) cov neeg tswj ntawm pabpawg sawv cev neeg ua haujlwm. Cov neeg ua haujlwm muaj kev sau rau ib daim ntawv sojntsuam. Yuav muaj ntaub ntawv qhia txog Evsaslas Poob Haujlwm thiab.

3 EMC tuaj sib ntsib

Nrog Pabpawg Rapid Response Team, pawg EMC yuav tau txais cov lus qhia txog tias cov neeg ua haujlwm yuav tsum tau dabtsi rau Khoos Kas Pab Cov Neeg Ua Haujlwm Uas Raug Poob Haujlwm, nrhiav tus neeg khiav dejnum uas yuav pab tau zoo tshaj, thiab ua haujlwm nrog cov khiav dejnum ntawd sai li sai tau kom rhais tau thawj kauj ruam rau mus rau cov kev pab. Feem ntau ntawm cov EMC yuav sib ntsib ob zaug.

4 Muab kev pab thiab txhim kho cov lus

Feem ntau, cov kev pab rau cov neeg uas tau ua haujlwm dhau los yuav pib tau 24 teev tom qab EMC tau nug txog tus khiav dejnum. Ib yam nkaus li ntawd, tus khiav dejnum yuav tiv tauj nrog cov EMC kom tsim tau cov lus yuav mus nthuav tawm rau Xeev Minnesota, uas yuav tsum tau kev pom zoo rau cov ntaub ntawv thov nyiaj pab thiab yuav saib xyuas tias muaj nyiaj txaus txhawb kev pab rau qhov kev poob haujlwm no. (Cov kev pab yeej muaj rau lub sijhawm uas ntaub ntawv tseem tab tom khiav thiab.)

5 Peb ua li cas lawm xwb?

Ob lossis peb lub hlis tom qab kev pab tau pib lawm, ib tug neeg ntawm Pabpawg Rapid Response Team yuav tiv tauj nrog pab EMC thiab nug lawv seb lawv xav li cas txog ntawm tus khiav ntaub ntawv txoj kev ua haujlwm thiab seb Pabpawg Rapid Response Team ho khiav haujlwm zoo li cas thiab.



LUB SIJHAWM YUAV SIV

KEV XAM PHAJ RAU COV KEV PAB TXHAWB COV NEEG UA
HAUJLWM UAS RAUG POOB HAUJLWM

Lim Piam Thib 1

Hais kom tau lub chaw haujlwm muab kev koom tes rau kev
npaj tej yam uas yuav ua thiab cov kev pab

Lim Piam Thib 2

Tuaj sib ntsib,
uas feem ntau yog nyob rau tom qhov chaw haujlwm

Lim Piam Thib 3

EMC sib ntsib ib mus rau ob zaug; pib muab cov kev pab
rau thaum xaiv tau tus neeg khiav dejnum lawm

Lim Piam 4-5

Xa thiab tau kev tso cai rau cov ntaub ntawv thov nyiaj pab
uas siv li ob lis piam

Lim Piam 8-12

Taug qab seb EMC xav li cas lawm
txog cov kev pab uas muab los ntawd

LUS CIM CIA: Lub sijhawm uas hais raws li no tsuas muaj yog tias mus raws li siab xav xwb. Qhov li no yog peb lub homphiaj. Tsis yog txhua zaus uas neeg raug tshem tawm haujlwm yuav mus zoo nkaus li no. Tej thaum yuav mus qeeb lossis ho mus ceev thiab, tsuas nyob rau ntawm seb lub chaw haujlwm pom zoo koom tes npaum li cas xwb; seb yuav rho neeg tawm haujlwm rau thaum twg; thiab seb cov kev pab uas thov tau ntawm lub xeev thiab tsoom fwv los ho zoo li cas. Peb yuav ua kom zoo li zoo tau pab rau peb cov qhua uas siv qhov kev pab no, nyob rau txhua yam uas peb yuav muaj nrog koj.

Minnesota Department of Employment and Economic Development
1st National Bank Building • 332 Minnesota Street • Suite E200
Saint Paul, Minnesota 55101-1351

Tus Xovtooj Qhia txog DWP: 651-259-7537 • TTY: 651-296-3900
Hu Dawb: 1-866-213-1422 • Xa Ntawv Xovtooj: 651-215-3842
www.positivelyminnesota.com/dw

positively **Department of Employment and Economic Development**
Minnesota